

կանում էի, թե ինչ առարկայի վրայ էր խօսակցութիւնը: Սուսանի մի ընկալած առաջ ինձ հաղորդած տեղեկութիւնները, որքան եւ մթին, որքան եւ կցկտուր լինէին, այստամենայնիւ, ես նրանցից դուրս բերեցի հետեւեալ եզրակացութիւնները. — մի աղջկայ, կամ մի կնոջ կեանքը վտանգի մէջ էր, նրա եւ Կարօյի մէջ կային գաղտնի կապեր. Կարօն աշխատում էր ազատել նրան. խորամանկ պառաւր ծառայում էր այս ձեռնարկութեան մէջ որպէս գործիք. աղջիկը կամ կինը գտնուում էր «ամբողջ» մէջ: Ո՞ր ամբողջում, ո՞ւմ էր պատկանում ամբողջը: — Ահա այստեղ էր գլխաւոր գաղտնիքը:

Ես երկար նայում էի կիսախելագար Սուսանի վրայ: Երբ նա իր պատմութիւնը վերջացրեց, յանկարծ մի տեսակ ձայն արձակեց, որ ճիշտ նման էր միեւնոյն բոի ձայնին, որ լսել էի քանի ընկալած առաջ: Սնահաւատութիւնը կրկին տիրեց ինձ: Ես նկատեցի, մի փոքրիկ աղջիկ, խայտաճամուկ եւ ֆանտաստիկական հագուստներով, դուրս վազեց ակերակների միջից, մօտեցաւ երկու խօսակիցներին: Կարօն գրկեց եւ համբուրեց նրան: Յետոյ պառաւր փոքրիկ աղջկայ հետ անյայտացան: Այս երեւոյթը այնքան յանկարծակի կերպով կատարուեցաւ, որ ես բոլորովին ապշած մնացի: Ինձ թւում էր, թէ փոքրիկ աղջիկը այն ոգիներից մէկը պէտք է լինի, որ պառաւ կախարդը պահում էր իր հրամանի ներքոյ, ման էր ածում իր հետ եւ ծառայեցնում էր իր հմայքների մէջ: Բայց որքա՛ն գեղեցիկ էր այդ նազելի արարածը: Ես նրա դէմքը տեսայ մի սրընթաց փայլակի նման, որ իսկոյն չքացաւ, բայց թողեց իմ սրտում անջնջելի տպաւորութիւն...: Բայց Կարօն ինչո՞ւ համբուրեց նրան. ո՞վ էր նա...

Ես կարծում էի, թէ Կարօն չի թաքցնի, կասէ ինձ բոլորը, թէ ով էր այդ անծանօթ պառաւրը, թէ ով էր այն փոքրիկ աղջիկը, որ յայտնուեցաւ փլատակների միջից: Ես վճռեցի մինչեւ անգամ հարցնել նրանից, բայց չհամարձակուեցայ, երբ նկատեցի նրա սարսափելի կերպով վրդովոած դէմքը: Երեւում էր, պառաւի հաղորդած տեղեկութիւնները խռովութեան մէջ էին գցել նրան:

— Այն պառաւրը ցնորոա՞ծ էր, — հարցրի ես, երբ նա մօտեցաւ ինձ:

— Ոչ... միայն եթէ միւս անգամ կը պատահի քեզ հանդիպել նրան, ինդրեմ, չիշեցնել իր անցեալը...

Յետոյ խօսքը փոխելով, ասաց նա.

— Մենք պէտք է հեռանանք այստեղից, Ֆարիատ:

— Ու՞ր, — հարցրի ես: